

**RAADSKENNISGEWING 3 VAN 2020****KENNISGEWING VAN AANSOEK VIR DIE OMSKRYWING VAN PRODUKSIEGEBIED  
VLOTTENBURG (WYK)**

-----  
(Ingevolge Artikel 6 van die Wyn van Oorsprong-skema gepubliseer by Goewerments-kennisgewing No. R.1434 van 29 Junie 1990)  
-----

Neem kennis dat Vlottenburg Boerdery (Edms) Bpk by die Wyn- en Spiritusraad aansoek gedoen het vir die afbakening van die produksiegebied Vlottenburg (Wyk) om Wyn van Oorsprong te produseer.

**Omskrywing van voorgestelde wyksgrens**

Die voorgestelde Vlottenburg Wyk (Fig. 1) se grens begin op die Polkadraaipad waar dit die Sanddrifrivier oorkruis en loop dan weswaarts saam met die Polkadraaipad tot teenaan die Polkadraai Heuwels Wyk net na Skilpadvlei. Vandaar loop die grens suid en dan weswaarts saam met die bestaande buitengrens van die Polkadraai Heuwels Wyk, tot waar dit die Vlaebergrivier oorkruis. Vandaar loop die grens saam met die Vlaebergrivier in 'n algemeen suidelike rigting, tot waar dit by die Eersterivier aansluit. Vandaar, stroomop met die Eersterivier in 'n noord-oostelike rigting tot waar die Sanddrifrivier in die Eersterivier teenaan die Vlottenburg plaas uitmond. Vandaar, in 'n algemeen noordelike rigting op met die Sanddrifrivier tot waar dit by die beginpunt hierbo genoem, aansluit.

**Geologie**

Die voorgestelde wyk bestaan uit goedverweerde graniet (N-Ck, rooi gekleurd in Fig. 2) gronde, met groot gedeeltes van die gronde van binêre oorsprong, waar jonger, sanderige Tafelberg Sandsteen-materiaal die primêre gesteentes oorlê (Qgg, geel gekleurd in Fig. 2), dikwels met ferrikreet (ouklip-konkresies of -banke) op die kontakzone.

**Topografie**

Die voorgestelde Vlottenburg Wyk kan as 'n natuurlike eenheid beskou word met 'n algemeen konvekse heuwel-landskap en volop koeler suidelike hange. Dit dreineer meestal suidwaarts na die Eersterivier (Fig. 1; Fig. 3).

Die voorgestelde grense is ter insae by [www.sawis.co.za](http://www.sawis.co.za) "Sertifisering – Nuus en inligting" of kontak Jackie Cupido by 021 807 5704.

Enigeen wie beswaar het teen die aansoek, moet sy/haar beswaar, met opgaaf van redes, skriftelik indien by Olivia Poonah ([olivia@wsb.org.za](mailto:olivia@wsb.org.za)), Die Sekretaris, Wyn- en Spiritusraad, Posbus 2176, Dennesig, Stellenbosch, 7599, binne 30 dae van publikasie van hierdie kennisgewing.





